

---

# Muossavia e regulativ

---

Usit dils treis sogns Retgs

Breil / Dardin / Danis - Tavanasa

---

|                      |              |          |
|----------------------|--------------|----------|
| Introducziun         | art. 1 - 3   | pagina 1 |
| Breil – vitg         | art. 4 - 9   | pagina 2 |
| Dardin               | art. 10 - 15 | pagina 5 |
| Danis – Tavanasa     | art. 16 - 21 | pagina 7 |
| Determinaziun finala | art. 22      | pagina 9 |

Cussegl pastoral 2016

Aschilunsch ch'ei vegn duvrau en quei muossavia e regulativ  
formulaziuns masculinas valan quellas per omisduas schlatteinas



## Art. 1 Introducziun

La Bibla raquenta a nus da treis sabis ch'ein vegni a Betlehem per encurir in nievnaschiu retg. Ina steila hagi mussau ad els la via.

Suenter haver anflau Jesus han els annunziu la buna nova agl entir mund. Quei duei era esser il senn digl usit dil cantar da retgs en nos vitgs: Purtar en mintga casa la nuviala dalla naschientscha da Jesus ed era purtar glisch e benedicziun en mintga stiva.

Ils scolars visetan las casas la fin d'jamna sera che schai il pli maneivel dis 6 da schaner, la fiasta da Buania. Era ina viseta dil survetsch divin ei previda.

## Art. 2 Usit

Sco la historia dils sabis ei vegnida dada vinavon da generaziun tier generaziun e cheutras semidada e sesviluppada, aschia ei era igl usit dils retgs en nossas pleivs carschius ad ina singularitad.

### **Breil-vitg:**

Ils treis retgs da pindels ein las figuras centralas e simboliseschan ils sabis Casper, Meltger e Baltassar. Els portan ils regals tradiziunals dad aur, entscheins e mirra. Mintgin dad els vegn accumpignaus dad in schuldau vestgius cun cassacca ed armaus cun in sabel. La truppa vegn tgamunada dil capitani. Il portasteila muossa la via ed il catschatuts fuorma la finiziun.

### **Dardin:**

Ils treis retgs simboliseschan ils sabis Casper, Meltger e Baltassar. Els vegnan accumpignai da survients ed in portasteila.

### **Danis-Tavanasa:**

Ils treis retgs ein vestgi sco Beduins. Els ein accumpignai da schuldada cun capellinas e bajonettas ed ein vestgi en ner. Il capitani tgamuna la gruppa ed il portasteila, (accumpignaus dad in tochen dus cumpogns) muossa la via. Ei dat duas gruppas identicas, ina per Danis e l'otra per sutbaselgia, Tavanasa e Mutteins.

## Art. 3 Responsablada

Il cantar da retgs stat sut il patrunadi dil Cussegl pastoral / sector cuminonza.

Responsablada dil Cussegl pastoral:

- Approbar il muossavia e regulativ dils treis sogns Retgs
- Prender enconuschientscha dil rendaquen dalla collecta dils treis vischinadis

## Responsabladad dil sectur cuminonza

- Fixar il termin pigl usit
- Surdar l'incarica als responsabels pigl usit en mintga vitg ord il sectur cuminonza
- Responsabel pils vestgius e requisits
- Responsabel pil cant
- Preparaziun midadas vid il muossavia / regulativ

# Breil

## Art. 4 Incumbensas responsabel vestgius e requisits

Breil

- Manteniment dil resti e requisits
- Indicar al menader dil sectur cuminonza en tgei favur la collecta va per la publicaziun communabla el FUS
- Reservar las localitads da scola, aula e cuschina
- Menar la gliesta dallas casas
- Orientaziun dils geniturs
- Recrutaziun da personas che segidan da smincar (duas - treis personas)
- Mummas che porschan in pushegn
- Organisaziun dalla tscheina finala
- Repartiziun dalla collecta
- Finanzas

## Art. 5 Participonts

Breil

Il responsabel pil cant ha la cumpetenzza da decider davart il diember dils participonts. Per regla astgan ils scolars dalla 6. – 7. classa cun plascher vid il cant separticipar. D'avantatg ei sche dus – treis scolars cun rut la vusch ein dalla partida. Tut tenor cons scolars che contan, ein els per part la sonda e dumengia sera en funcziun. Il responsabel pil cant sesprova da risguardar dad onn tier onn tons scolars sco pusseivel pil cant dils retgs. Eventualmein accumpogna in ulteriur scolar ils retgs per menar la gliesta dallas casas.

Ils vestgius ed ils requisits ein deponi en casa pervenda. Il responsabel per ils vestgius e requisits fa in'emprova dil resti duas jamnas avon Buania ed adattescha ils vestgius tenor basegns. Pils calzers/stivals procura mintga scolar sez. Els dueien sche pusseivel esser stgirs. Il responsabel pil cant ed il responsabel vestgius e requisits segidan cun trer en ed ora ils retgs. Duas ulteriuras personas segidan cun smincar. El ei responsabels ch'il resti vegn mess naven schuber e rugalau. Plinavon meina el ina gliesta d'inventari.

| Figura          | Vestgiu           | Capiala | requisit   |
|-----------------|-------------------|---------|------------|
| retg tgietschen | pindels           | cruna   | aur        |
| retg blau       | pindels           | turban  | entscheins |
| retg verd       | pindels           | capiala | mirra      |
| schuldau I      | cassacca blaua    | capiala | sabel      |
| schuldau II     | cassacca blaua    | capiala | sabel      |
| schuldau III    | cassacca nera     | capiala | sabel      |
| capitani        | cassacca cotschna | capiala | sabel      |
| portasteila     | cassacca violetta | cheppi  | steila     |
| catschatuts     | cassacca verda    | cheppi  | canna      |

Sper igl exercitar las canzuns cun ils scolars schaian ils suandonts pensums en la cumpetenza dil responsabel pil cant.

- Elecziun dallas canzuns, per ordinari treis canzuns, da quellas min. duas tradiziunalas dil vitg.
- Coordinaziun da termins (ca. 10 exerchezis)
- Decisiun tgei scolars che astgan prender part tgei sera (dapenda da vusch e grondezia).
- Ils scolars ein obligai da schar perstgisar las absenzas dils exerchezis
- Emprova generala en baselgia cun instrucziun dils pensums duront il survetsch divin.

14:30 uras Smincar (scolars vegnan en gruppas)

16:00 uras Entschatta dallas visetas. Ils retgs contan 2 canzuns per casa

19:00 uras Marenda en stanza da vischinadi

19:30 uras Mo la sonda sera:

Viseta dil survetsch divin cun participaziun dils retgs  
(cantar e leger)

Els vegnan accumpignai dil responsabel pil cant

20:30 uras Produenziun sin plaz Cadruvi e silsunter cuntinuaziun ellas casas

22.30 uras Il responsabel pil cant ed il responsabel vestgius e requisits mettan  
ils scolars a casa

El decuors dallas duas jamnas suenter igl usit ha liug ina sempla tscheina e star da cumpignia. Responsabel da cant e reponsabel vestgius e requisits organiseschan ed informeschan a scret ils geniturs dils scolars davart ils termins e las uras dalla tscheina.

Per la controlla ed il quitaun dallas finanzas ei il responsabel vestgius e requisits reponsabels. Ensemen cun il responsabel pil cant ed ils scolars decidan els tgei instituziuns caritativas che duein vegnir sustenidas. Il responsabel da vestgius e requisits renda quen al menader dil sectur cuminonza, reparta la collecta tenor clav sutnumnada ed orientescha il responsabel pil cant il resultat dil rendaquen.

La repartiziun dil recav vesa ora sco suonda:

- 100.- frs. per il conto da paramenta
- 100.- frs. per lavar e metter en uorden ils vestgius
- 100.- frs. per il responsabel pil cant
- 20.- frs. per mintga cantadur,  
independent sch'el ha cantau ina ni duas seras

La summa restonta va en favur dallas elegidas instituziuns caritativas.

# Dardin

## Art. 10 Incumbensas responsabel vestgius e requisits

Dardin

- Manteniment dil resti e requisits
- Indicar al menader dil sectur cuminonza en tgei favur la collecta va per la publicaziun communabla el FUS
- Reservar las localitads da scola, aula e cuschina
- Orientaziun dils geniturs
- Recrutaziun da persunas che segidan da smincar
- Organisar mummas che porschan ina pintga marena
- Organisaziun dalla tscheina finala

## Art. 11 Participonts

Dardin

Tuts ils scolars dalla 3. classa ensi han la pusseivladad da separticipar.

## Art. 12 Vestgius e requisits

Dardin

Ils vestgius ed ils requisits ein deponi en casa da scola (stiva biala). Il responsabel vestgius e requisits fa l'emprova dils vestgius e decida ensemen cul responsabel pil cant, tenor grondezia, la rolla da mintg'scolar. Il responsabel vestgius e requisits procura ch'il resti vegn mess naven schuber e rugalau. El meina ina gliesta d'inventari.

|                                       |       |
|---------------------------------------|-------|
| retg tgietschen                       | cruna |
| retg blau                             | cruna |
| retg mellen                           | cruna |
| vestgius cotschens, grischs e violets |       |
| steila                                |       |

## Art. 13 Responsabel pil cant

Dardin

Sper igl exercitar las canzuns cun ils scolars schaian ils suandonts pensums en la cumpetenzza dil responsabel pil cant.

- Elecziun dallas canzuns.
- Coordinaziun da termins (ca. 10 exerchezis)
- Ils scolars ein obligai da schar perstgisar dils exerchezis
- Emprova generala en baselgia cun instrucziun dils pensums
- Finanzas

## Art. 14 Organisaziun

Dardin

A caschun digl emprem exercezi envida il responsabel pil cant tut ils geniturs dils scolars che separticipeschan al cantar dils retgs ad ina cuorta informaziun e surdat l'organisaziun dalla tscheina sco era dils transports.

16:15 uras Serimnar en casa da scola, vestgir e cantar en

17:00 uras Devoziun ni survetsch divin, silsuenter pintga marena

18:00 uras Entschatta dallas visetas, ils scolars contan 2 canzuns per casa

22:00 uras Finiziun dallas visetas, tscheina e star da cumpignia

## Art. 15 Finanzas

Dardin

Per la controlla ed il quitau dallas finanzas ei il responsabel pil cant reponsabels. Ensemen cun ils scolars decida el tgei instituziuns caritativas che duein vegnir sustenidas. Il responsabel pil cant renda quen al menader dil sector cuminonza ed reparta la collecta tenor clav sutnumnada. El orientescha il responsabel vestgius e requisits il resultat dil rendaquen.

La repartiziun dil recav vesa ora sco suonda:

- 50.- frs. per il conto da paramenta
- 100.- frs. per il lavar e metter en uorden ils vestgius
- 100.- frs. per il responsabel pil cant
- 20.- frs. per mintga cantadur

La summa restonta va en favur dallas elegidas instituziuns caritativas.

# Danis – Tavanasa

## Art. 16 Incumbensas responsabel vestgius e requisits

Danis -T'sa

- Manteniment dil resti e requisits
- Surdar suenter las vacanzas d'atun il script dils duers dils scolars dalla 3. superiura al scolast da classa per reparter als scolars dil davos onn da scola
- Redacziun dalla brev d'informaziun als geniturs en accordanza cul responsabel pil cant
- Indicar al menader dil sector cuminonza en tgei favur la collecta va per la publicaziun communabla el FUS
- Preparar las steilas (baterias novas) e las spadas per l'emprova en baselgia
- Recrutaziun da persunas che segidan
- Semtgir ils vestgius ed ils utensils, segidar da sevestgir
- Surdar da lavar il resti e remetter ils utensils en casa pervenda
- Survigilanza duront la tscheina
- Retuorn a casa dils scolars ei caussa dils geniturs
- Finanzas

## Art. 17 Participonts

Danis -Tavanasa

Igl usit sedrezza per regla als scolars dalla 5. – 9. classa. Il diember minimal per vischinadi duei esser 10 scolars, treis retgs, quater schuldai, in capitani, in cun la steila ed in che dat en il tun (fiffa). Il diember maximal duei buc survargar 15 scolars per gruppa. Il volumen dallas vuschs dils scolars ei plinavon in indeci pil diember dils participonts. Ei il volumen dallas vuschs buc sufficientes san era scolars dalla 4. classa cantar. Il responabel pil cant decida sur dil diember da scolars ch'el basegna per cantar.

## Art. 18 Responsabel pil cant

Danis -Tavana

Sper igl exercitar las canzuns cun ils scolars schaian ils suandonts pensums en la cumpetenzza dil responsabel pil cant.

- Prender enconuschientscha dil num dil(s) scolar(s) ch'ei(n) responsabels per l'organisaziun dils duers dils scolars
- Responsabels ch'ils pensums dils scolars dalla 3. superiura vegnan exequi

- Elecziun dallas canzuns
- Schar reparter la brev d'informaziun als geniturs entras ils scolars
- Fixar igl urari d'exerzecis da cant
- Reparter las funcziuns e rollas ch'ils scolars han egl usit
- Emprova generala en baselgia cun capellinas e spadas
- Accumpignament dils retgs al survetsch divin ni alla devoziun entochen ch'ils retgs semettan sin via ellas casadas
- Ei envidaus alla tscheina

## Art. 19 Organisaziun

Danis -Tavanasa

- 16:45 uras Smincar retgs en scola
- 17:00 uras Smincar schuldai e cantar en
- 18:00 uras Survetsch divin
- 19:00 uras Retgs semettan sin via
- 22:00 uras Finiziun en scola, sescumiar e selevar
- 22:15 uras Tscheina communabla
- 24:00 uras Retuorn a casa (caussa dils geniturs)  
Sin giavisch mettein els a casa

## Art. 20 Pensums scolars dalla tierza superiura

Danis -Tavanasa

- Suentar las vacanzas d'atun nominar in responsabel per l'organisaziun digl usit dils treis sogns Retgs. (scolast da classa reparta in script cun ils duers dils scolars en connex cun igl usit dils treis sogns Retgs)
- Dumandar in scolast sch'el fagess aschi bien e mussas da cantar (Suentar las vacanzas d'atun)
- Fixar ensemen cul plevon tgei organisaziun caritativa che vegn sustenida (Entschatta da november)
- Repartiziun dalla brev d'informaziun als geniturs tras ils scolars (miez november)
- Reservar las localitads sin vischnaunca:  
Duschas, garderoba ed aula (fin november)
- Reservar ed empustar ina sempla tscheina (fin november)
- Surdar la gliesta da scolars che contan al responsabel vestgius e requisits cun indicar il datum digl exercezi en baselgia

- Mirar che mintga schuldau hagi ina capellina (avon Nadal)
- Mirar cul pedel per arver e serrar la scola la sera da retgs allas 16:30 / ca.22:00
- Mirar per transport (2 autos) da Mutteins alla casa da scola alla fin dalla tura
- Pil retuorn a casa ein ils scolars sezs respectivamein ils geniturs responsabels

## Art. 21 Finanzas

Danis -Tavanasa

Per la controlla ed il quitau dallas finanzas ei il responsabel vestgius e requisits responsabels. Ensemen cun il plevon decidan ils scolars tgei instituziuns caritativas che duein vegnir sustenidas. Il responsabel vestgius e requisits renda quen al menader dil sectur cuminonza, reparta la collecta tenor clav sutnumnada ed orientescha il responsabel pil cant il resultat dil rendaquen.

La repartiziun dil recav vesa ora sco suonda

- 50.- frs. per il conto da paramenta
- 100.- frs. per lavar e metter en uorden ils vestgius
- 100.- frs. per il mussader da cant
- 15.- frs. per mintaga cantadur dalla scola primara
- 20.- frs. per mintaga cantadur dalla 1. e 2. superiura
- 30.- frs. per mintaga cantadur dalla 3. superiura

La summa restonta va en favur dallas elegidas instituziuns caritativas.

---

## Art. 22 Determinaziun finala

Quei muossavia e regulativ ei vegnius revedius ed approbaus a caschun dalla radunonza dil Cussegl pastoral dils 19.08.2016. El remplazza il muossavia e regulativ digl october 2011.

Pil Cussegl pastoral

Patricia Derungs, presidenta

Pil sectur cuminonza Breil e Dardin

Annadora Friberg

Pil sectur cuminonza Danis-Tavanasa

Maria Berther